



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Potestati Et Popvlo Spoletano, Baronibus, Nobilibus, & universis fidelibus
nostris in Spoletan. diocesi constitutis.

urn:nbn:de:hbz:466:1-20006

maturetur, cum sine tuo & fidelium tuorum ac sine dicto Rege ac fidelium ejus subsidio, quod in sequenti Martio proposuimus ad partes illas dante Domino destinare, vix terræ in qua pedes Christi steterunt, & ubi Deus noster ante secula nostram dignatus est operari salutem, poterit subveniri, plenam pacem vel treugas longas saltem usque ad quinquennium ineas & observes; ita quod interim nullum alterutri circa proprietatem vel possessionem eorum quæ à reliquo detinentur, præjudicium generetur. Alioquin, quantumcunque nobis molestum existat celsitudinem regiam in aliquo molestare, quia tamen Deum tibi præponimus, & communem utilitatem tuis debemus commodis immo potius incommodis anteferre, nisi ad commonitionem ejusdem Legati mandatum apostolicum infra scriptum terminum humiliter receperis & impleveris, ex tunc de communi fratrum nostrorum consilio totam terram tuam subjacere decernimus interdictioni; ita quod præter baptismum parvulorum, & pœnitentias morientium, nullum in ea divinum officium celebretur. Quod si nec per hanc districtiorem impleveris quod mandamus, te ipsum, fautores & consiliarios principales ecclesiastica severitate noveris coercendos. id ipsum de terra Regis Angliæ, ipso etiam, fautoribus suis, Consiliariis decernentes. Venerabilibus etiam fratribus nostris Archiepiscopis, Episcopis, & dilectis filiis Abbatibus, Prioribus, & universis Ecclesiarum Prælatibus utriusque regni, sub pœna ordinis & officij sui mandamus, & in virtute Spiritus sancti præcipimus, ut interdicti sententiam secundum præscriptam formam inviolabiliter studeant observare, & faciant ab aliis irrefragabiliter observari. Idem etiam fratribus militiæ Templi ac Hierosolymitani Hospitalis sub privilegiorum & indulgentiarum suarum pœna mandamus, credentes ex hoc non voluntati tuæ sed utilitati, non affectui sed profectui, non oneri sed honori consulere, totique Christiano populo providere. Satuimus etiam ut si quis omnino Clericus, cujuscunque professionis vel ordinis, post interdictum nostrum divinum tibi præsumserit officium ministrare, ordinis & beneficii sui se noverit periculum incurrisse. Attendas igitur, fili carissime, nostrum & apost.

sedis tuæ matris affectum, causam coactionis inspicias, & communi utilitati prospiciens, motui carnis animæ præpone salutem, & sensualitati præferas rationem; non apostolicæ sedi regia potestate resistens, sed humilitate deferens filiali; quæ in hoc etiam salutem tuam procurat pariter & honorem.

Scriptum est in eundem modum R. illustri Regi Anglorum. Scriptum est super hoc universis Archiepiscopis, Episcopis, Abbatibus, Prioribus, & ceteris Ecclesiarum Prælatibus in utriusque Regis regno constitutis.

POTESTATI ET POPULO
Spoletano, Baronibus, Nobilibus, & universis fidelibus nostris in Spoletan. diocesi constitutis.

Magnificavit Dominus facere misericordiam nobiscum, juxta quod scribitur in Propheta. Cui gratiarum referimus actiones, quod usque ad nostra & vestra tempora reservavit ad quæ pradecessores tam nostri quam vestri summo desiderio anhelarunt. Ipse enim qui dat lassio virtutem, & his qui non sunt fortitudinem & robur multiplicat, patrimonium beati Petri, portionem videlicet nostram, desiderabile & præclarum hereditatis nostræ funiculum, quæ in oppressione diu posita, fuerat per violentiam occupata, nobis sperantibus quod manus ejus abbreviata non esset, ut salvare nequiret, nec auris ejus, ut non exaudiret, aliquatenus aggravata, absque violentia qualibet aut bellicoso congressu restituit, & bonam ad nos multiplicavit fidelium Ecclesiæ voluntatem; ita ut secundum Esaiam jam dicere posse speremus: *Sedebit populus meus in plenitudine pacis, & in tabernaculis fiducia, & in requie opulenta.* Sanè qualiter Conr. Dux quondam dictus Spoleti Ducatum Spoletan. in nostris manibus resignavit, & ad mandatum Ecclesiæ cum humilitate redierit, vos non convenit edoceri, cum ille qui forsitan peccatis vestris exigentibus, juxta verbum Hieremias, super vos gentem robustam adduxerat de longinquo, gentem cujus ignorabatis linguam, posuerit visitationem vestram pacem, & præpositos vestros justitiam priorum timore sublato. Propositi siquidem nostri & voluntatis existit ut terra quam Dominus, ut dictum est, ad manus nostras non in

*Epist. 376.
Vt Cardinali,
Rom. Pontifici
magistranti, ab
temperet.*

*f. inter de
de n. n. n.*

arcu vel gladio confidentes, sola sua inefabili pietate reduxit, in iustitia & iudicio gubernetur, per vos fideliter exequentes quod scriptum est, *Diligite iustitiam qui iudicatis terram*, & inimici vestri in circuitu inflammentur, dum in devotione Rom. Ecclesiae, quae verè de se dicere potest, *Iugum meum suave est & onus meum leve*, securi hostium sublata formidine fideliter persistetis. Inde est quod paci & tranquillitati vestrae paternae volentes sollicitudine providere, dilectum filium nostrum G. S. Mariae in Aquiro Diac. Cardinalem, virum utique providum & discretum, quem inter alios fratres nostros speciali caritate diligimus, vobis duximus praeposendum, ut vestrae pacis & salutis regimen ulterius exequatur, utramque potestatem, spiritualem videlicet & temporalem, ei vice nostra commisimus, ut dum in eo potestas utraque convenerit, utraque ad iura per alteram liberius valeat exerceri. Cui dedimus in mandatis, ut vos tanquam Ecclesiae Rom. filios speciales diligat & honoret, & sic iura nostra procurer, ut aliena non laedat, sed quod suum est unicuique studeat conservare. Univerſitatem itaque vestram intenta in Domino exhortatione monemus ut devoti atque ferventes in fidelitate Rom. Ecclesiae matris & dominæ vestrae immobiliter perduretis, per apostolica vobis scripta mandantes, & districtè præcipientes, quatenus ipsum tanquam rectorem vestrum & apostolicæ sedis Legatum debito suscipientes honore, eique tanquam personæ nostræ reverentiam & obedientiam in omnibus exhibentes, mandata ejus pariter & statuta recipiatis humiliter & irrefragabiliter observetis. Nos enim quicquid idem Legatus vester & rector duxerit statuendum ratum habentes & firmum, auctore Domino faciemus inviolabiliter observari.

* f. noster & vester rector

In eundem modum Potestati & populo Reatin. Baronibus, nobilibus, & universis fidelibus nostris in Reatin. dioc. constitutis. In eundem modum Potestati & populo Fulginat. Baronibus, nobilibus, & universis fidelibus nostris in Fulginat. diocesi constitutis. In eundem modum Potestati & populo Assisinat. Baronibus, nobilibus, & universis fidelibus in Assisinat. diocesi constitutis. In eundem modum Potestati & populo Eugu-

bin. Baronibus, nobilibus, & universis fidelibus nostris in Eugubin. diocesi constitutis. In eundem modum Potestati & populo Perusino, Baronibus, nobilibus, & universis fidelibus nostris in Perusin. diocesi constitutis. In eundem modum Potestati & populo Castellan. Baronibus, nobilibus, & universis fidelibus nostris in Castellan. dioc. constitutis. In eundem modum Potestati & populo Tudertin. Baronibus, nobilibus, & universis fidelibus nostris in Tudertin. diocesi constitutis.

ILLVSTRI REGI
Anglorum.

Literas quas nobis regia serenitas super negotio Cantuarien. Ecclesiae destinavit, benignè recepimus; & earum tenore diligenter inspecto, intelleximus celsitudinem regiam super eo quod scripserat fuisse per falsi suggestionem in pluribus circumventam, cum bonæ memoriæ B. quondam Cant. Archiepiscopus in constructione capellæ juxta Cantuariam de * felicitis recordationis Lucij & Urbani prædecessorum nostrorum scripserit processisse, cum potius idem V. prædecessor noster opus illud per sententiam præceperit demoliri, & locum ipsum maledictum haberi mandaverit & prophanum, sicut ex literis ejus serenitati regiæ poterit manifestè liquere. Præterea cum dictus Archiepiscopus denuo voluisset quæstionem suscitare sepultam, bonæ memoriæ quondam Cantuarien. Priore cum quibusdam monachorum & nunciis ipsius Archiepiscopi propter hoc apud sedem apostolicam constitutis, felicitis recordationis Clementis Papa prædecessor noster opus illud de fratrum consilio funditus demoliri præcepit. Venerabilis verò frater noster Vbertus Cantuarien. Archiepiscopus volens in opere damnato procedere, etsi locum mutaverit, à dicti tamen prædecessoris sui proposito non creditur recessisse; cum post multiplices inhibitiones sibi ex auctoritate apostolica factas, post appellationem sæpius interpositam ad apostolicam sedem, post contradictionem dilectorum filiorum Cant. monachorum, de bonis Cantuarien. Ecclesiae in non modicum ejus præjudicium & gravamen, sicut à multis & magnis accepimus, in capella de Lamhee amplas præbendas statuerit, & largas ei possessiones & redditus assignarit, & ad structuram

Epist. 357. De capella quædam Cantuarien. si, propter quam Pontificem Rex adierat per literas. Vide supra epist. 111.

* mandato